



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LEKUCALA (P1)

LWETI 2014

EMAMAKI: 70

SIKHATSI: 2 ema-awa

Leliphepha linemakhasi la-12.

TICONDZISO KULABAHOLWAKO

1. Leliphepha lehlukaniswe TIGABA LETINTSATFU:

SIGABA A: Sivisiso	(30)
SIGABA B: Sifinyeto	(10)
SIGABA C: Luhlelo nekusetjentiswa kwelulwimi	(30)
2. Phendvula YONKHE imibuto ngeSiswati.
3. Cala leso naleso SIGABA ekhasini LELISHA.
4. Dvweba umugca emva kwaleso naleso sigaba.
5. Tinombolo tetimphendvulo atihambisane naleto letisephepheni lemibuto njengobe tinjalo.
6. Shiya umugca emkhatsini wetimphendvulo takho.
7. Bhala ngebunono nangesandla lesifundzekako.
8. Caphelisia sipelingi/lupelomagama nendlela lewakha ngayo imisho.
9. Siphakamiso sekulawulwa kwesikhatsi:

SIGABA A: Lokungenani emaminitsi la-50	
SIGABA B: Lokungenani emaminitsi la-30	
SIGABA C: Lokungenani emaminitsi la-40	

SIGABA A: SIVISISO**UMBUTO 1**

1.1 Fundza letheksthi lelandzelako bese uphendvula imibuto letawulandzela.

ITHEKSTHI A

Bekusekhatsi kwebusuku nekusa kulaka Mbokazi ngalesikhatsi bantfu beva umsindvo wekubhadla kwesibhamu. Kutsite kusenjalo babona sekusha kungcongca umuti waMbuteni Mvelase, makhelwane wabo.

Bomakhelwane baphangisa kuhlabu inyandzaleyo, kwagijima wonkhe umuntfu acondze kaMvelase. Lebefika kucala bamangala ngobe bakhandza sekute labangakwenta, tindlu letimbili bese tishe tangcongca, sekusele lilawana nje lelibucalu netindlu.

Lokwabadzabukisa kakhulu kwekutsi batfola nekutsi nangu naMvelase asafile ufele esangweni letinkhomo takhe, udutjuliwe. Batfola umfanyana wakhe loneminyaka lemine nje kuphela, ahholola abuke sidvumbu seyise, asinyikanyikisa amvusa, angati kutsi kwente njani, nekutsi loyise sewufile, asolo amemeta atsi: 'Vuka babe, vuka, vuka phela babe!'

Kusenjalo, batfola nekutsi usangene nje, nenina ushele ngekhatsi endlini wangcongca kanye nebantfwanyana bakabo lababili labancane. Kwakhanya kutsi Mvelase bekaphume endlini aphetse lithoshi ngobe balikhandza lisakhanya edvute nje nesidvumbu sakhe. Kwabonakala futsi kutsi bekavuswe kufohla kwetinkhomo takhe esibayeni, kantsi tikhishwa bantfu labebamlalele ngaphandle. Watsi uyaphuma bamdubula kabili, esifubeni, lenye inhlavi yangena esiphundvu. Kutsite ngemva kwaloko base bashisa umuti wakhe kantsi bantfwana nenina basengekhatsi endlini lenkhulu.

Shengatsi umfati waMvelase wavuswa ngumsindvo wesibhamu, wesaba kuphuma endlini. Wadzimate wakhishwa kusha kwendlu, wakhokha lomfanyana wakhe lomdzala kucala, Mpopoli, wase ubuyela emuva kuyewulandza laba lababili labancane; watsi nakatsi uyaphuma futsi, wavinjwa ngemalangabi, washela ekhatsi nalabantfwabakhe lababili.

Kusaphitsitelwa lapho, kwefika Mtjali, indvuna yesigodzi watsi abesuse umntfwana ayiswe emtini wakhe. Wevakala atsi yena ufunu kuhlala neyise. Betama ngawo onkhe emandla kumncenga. Kwatsi kusenjalo, bamuva asatsi ufunu umntjingo wakhe lawuphiwa nguyise. Kwabonakala kutsi nobe bekasemncane lomfanyana, utsite nakeva bantfu behkuta kantsi futsi kuyakhalwa, kwamkhanyela kutsi uyise nenina nebantfwabakbo kukhulu lesekwentek kubo.

Kutsite nobe bayitiba lendzaba yemntjingo, wakhala kakhulu umntfwana atsi ufunu umntjingo wakhe, nekutsi usendlini ubekwe nguyise. Basangana bantfu labadzala kufunana nemntjingo bangati nekutsi lomntjingo labawufunako ukhona yini. Ngenhlanhla sekufunwe, kwafunwa, bawutfolu umntjingwana

wemhlanga, sebakhonjisa nguye Mpopoli, uhlonywe ngekhatsi esichitjaneni lesisele emlilweni. Kwaphefumula wonkhe umuntfu kwesikhashana, base bayamtsatsa-ke bamyisa emtini wendvuna. Indzaba yabikwa yindvuna esikhulwini.

Ngemuva kwaloko kwentiwa onkhe emalungiselelo bantfu bakaMbokazi. Wangcwatjwa kahle emtini wakhe Mvelase. LoMvelase bekungumntfu lofikako lapha kulendzawo lakhonte kuyo, abalekele timphi kulakubo eMzinjani lapho besebaphelile bantfu timphi.

Kutsite sekuphele inyanga nemalanga lambalwa Mpopoli ahlala kuMtjali, kweftika indvodza yakaZondi, ifika netincwadzi takaNdababantu letichaza kutsi ungumalume waMpopoli.

Ngesizatfu sekutsi Zondi weftika neliphoyisa lakaNdababantu, ngemuva kwekutsi asachaze kahle konkhe, wemukelwa kahle kaMbokazi, bamnika nemntfwana ngobe wachaza kutsi ungumlamu waMvelase. Phela lesigemegeme sendzaba yakaMvelase Zondi abesive emsakatweni.

Kwaba buhlungu kakhulu ebantfwini bakaMbokazi ngalesikhatsi Zondi asahamba nemfanyana wabo, Mpopoli, asavalelisa Zondi, atfwele imitfwadlana yaMpopoli nesikhwama sakhe. Mpopoli yena abephetsa umntjingwana wakhe labekawuphiwe nguyise asaphila. Kwehla tinyembeti nasetimvalelisa talukati takaMbokazi: 'Hamba kahle Mpopoli mfana wetfu, ukhule ute ube yindvodza.'

Bahamba-ke namalume wakhe, bahamba bagibela emabhasi baze bayawufika kaZondi, emapulasini aseMpundulu, lapho akhe khona Zondi, naye abalekela timphi eMzinjani. Wefika wajabula kakhulu umkaZondi nakabona Zondi efika naMpopoli ngemuva kwesikhatsi sekuphele liviki Zondi ahambile ekhaya.

Mpopoli weftika welusa lapha kaZondi ngalesikhatsi asatsite kucinacina. Umngani waMpopoli lomkhulu bekungumntjingo wakhe wemhlanga labekawuphiwe nguyise. Wafundza kuwudlala ngekulingisa tonyoni tasehlanzeni natikhala tihlabelela tingoma tato. Imiti lemnyenti beyisekudzeni nakaZondi, ngaphandle kwalona wemfundisi Nxumalo lobekakhelene naZondi. Lapha kamfundisi Nxumalo bekunendlu yelisontfo laseSheshi lapho bekufundzela khona bonkhe bantfwana bakulendzawo yaseMpundulu. Labanye bantfwana Mpopoli bekababukela ekudzeni ngalesikhatsi baya nobe sebabuya esikolweni.

Edvute nelisontfo bekukhona sihlahla lesikhulu semganu lapho bekafile aphumule khona Mpopoli emtfuntini nakelusile, bese udlala lomntjingo wakhe njalo nje. Bekuyaye kutsi ngalesinye sikhatsi nakadlala lomntjingo wakhe, avakashelwe yintfombatanyana yakamfundisi Nxumalo, idvonswa ngulomntjingo waMpopoli. Libito layo bekunguMantfombi. Nay o yayinesitunge lapha ekhaya kubo ngobe yayihlala yodvwana. Bagcina sebetayelene kakhulu boMantfombi naMpopoli.


[Ingcamu: 99–101]

Phendvula yonkhe imibuto ngekubhekisa tonkhe timphendvulo takho kuletheksthi lengenhla.

- 1.1.1 Bhala siga senkhulomo lesisetheksthini lengenhla lesisetjentiswa ekuceleni lusito. (1)
- 1.1.2 Yini leyenta kutsi kube lula kubona sidvumbu saMvelase nanobe bekusebusuku? (1)
- 1.1.3 Khokha umusho lokhombisa kutsi kulelikhaya bekukhona bantswana bebabana. Dvwebela lelo gama lelifikazela imphendvulo yakho. (1)
- 1.1.4 Nguyiphi indlela leyasetjentiswa tigebengu kutfola Mvelase? (1)
- 1.1.5 Abewakabani unina waMpopoli? (1)
- 1.1.6 Imfuyo lekuletheksthi lengenhla ikhomba luphi luhlobo Iwemphilo lephilwa kulenzawo lapho kwehla khona lesigameko? (1)
- 1.1.7 Nawulalelisisa kahle, nguluphi luhlelo Iwemsakato lapho eva khona Zondi ngendzaba yaMvelase? Khetsa imphendvulo kuletilandzelako:
- A Luhlelo lwekusonjululwa kwetinkinga.
 - B Luhlelo lwavuk'ayibambe.
 - C Luhlelo lwetemingcwabo.
 - D Luhlelo lwa-asikhutulisane. (1)
- 1.1.8 Bhala sisho lesimele lelibintana lelidvwetjelwe kulomusho lolandzelako lotsetfwe kuletheksthi lengenhla.
- Bekusekhatsi kwebusuku nekusa kulakaMbokazi. (1)
- 1.1.9 Ucabanga kutsi nguyiphi inhlavu leyabulala Mvelase kuleti letimbili? Sekela imphendvulo yakho. (2)
- 1.1.10 Ngekubona kwakho yini leyabangela Zondi atsatse liviki lonkhe kuyolandza Mpopoli? (2)
- 1.1.11 Thalente liphi lebeliphiwe Mpopoli? Usho ngani? (2)
- 1.1.12 Tigebengu betifunani lapha kaMvelase? Usho ngani? (2)
- 1.1.13 Kubalekela timphi endzaweni yangakubo kwamsita kangakanani Mvelase? Chaza. (2)
- 1.1.14 Bantwana labakulesimo lesifana naMpopoli hulumende ubasita ngayiphi indlela? Nika KUBILI. (2)

1.2 Fundza lesibonwa lesingentasi bese uphendvula imibuto letawulandzela.

ITHEKSTHI B



[www.kingfeatures.com]

- 1.2.1 Ibitwa ngekutsini indzawo lenaloluhlobo lwetakhiwo? (1)
- 1.2.2 Takhamuti tetindzawo letinjena tinetidzingo tetinsita letitihluphako. Bhala sinye sidzingo losatiko. (1)
- 1.2.3 Lusito luni lokufanele lunikwe banikati balamakhaya njengobe bakulesimo? Nika KUNYE. (1)
- 1.2.4 Sibangelwa yini lesimo lesikulesibonwa lesingenhla? (1)
- 1.2.5 Ucabanga kutsi tecwayiso letinikwa bantfu kugwema lesimo lesingenhla tiyabasita yini? Chaza. (2)
- 1.2.6 Bhala budlelwano lobubili lobukhona emkhatsini wetheksthi A natheksthi B. (4)

SAMBA SESIGABA A: 30

SIGABA B: SIFINYETO**UMBUTO 2**

Fundza letheksthi lelandzelako bese uayifinyeta ngewakho emagama langabi ngetulu kwala-70. Sifinyeto sakho sivete emaphuzu lasikhombisa etintfo letenta bafundzi basemakolishi bayekele bangakacedzi kufundza.

TICONDZISO

1. Finyeta ngewakho emagama.
2. Sifinyeto sakho asivete emaphuzu lamcoka lasikhombisa.
3. Sifinyeto sakho asibe ngendlela yetindzima (emapharagrafu).
4. Akukadzingeki kutsi ubhale sihloko.
5. Khombisa linani lemagenta lowasebentisile ekugcineni kwesifinyeto sakho.

Tinyenti tintfo letiholela kutsi bafundzi bangaphumeleli. Letinye tato atigwemeki, letinye tiyagwemeka, kuba budlabha bemfundzi kutitfola akuleso simo. Nobe kungatsiwan, kuwa kwemfundzi kuyaliphazamisa likusasa lakhe.

Linyenti lebafundzi libona kuya ekolishi kukuphunyula elugibeni Iwekulandzelelwa batali. Likolishi sicalo sempilo lematima ledzinga kutsi utimele. Kunemisebenti lemnyenti lelindzeleke kutsi bafundzi bayente lokugcina kuholela umtimba ekwehlulekeni kumelana nalesimo. Labanye bagcina babona kuncono kubopha tinkhalo emabombo bawabhekise emakhaya kune kutsi bafeyile ekupheleni kwemnyaka. Singati kumbe nekuba lapho ekolishi kwaba ngumusa weNkhosi.

Imphilo imikhakhaminyenti. Balindzeleke kutsi bafundze, ngakulolunye luhlangotsi batijabulise. Yonkhe lemikhakha idzinga kuphilwa ngalokuphelele. Bafundzi abakhoni kwenetisa imikhakha yemphilo yasekolishi ngalokulinganako ngoba batikhandza basenkhululekweni. Kutijabulisa kuhamba embili. Busuku buba yimini kubo, babhucuta etjwaleni badzakwe babe yimphuphu emabhuku angasafundvwa. Kudojwa emaklasi bagcine basilele emuva ngetifundvo, sipheto kube kufeyila kudleke netimali tebatali.

Kunenkholelo letsu umshado loncono utfolakala ekolishi. Utfola bafundzi sebatimbandzakanya etindzabeni telutsandvo. Phela imphilo yelutsandvo ilivili, lutsi lapho luhela khona kuhlanyi umuntfu. Bafundzi bayehluleka kumelana nebulungu bekuphela kwalolutsandvo. Behluleka nekulala ebusuku ingcondvo icabanga ngelutsandvo loluphelile, emabhuku aphume enhloko, bakholiwe ngalabakuteli ekolishi. Labanye bagcine babone kuncono kutibulala.

Ayikho indzawo lefana nasekhaya. Bukhatikhati nebumenyemenye bendzawo lensha abusivali sikhala sasekhaya. Kungako bafundzi labanyenti kungababusi loko. Utsi umfundzi nasaphetwe ngumvangedvwa nenkhumbulo, imphilo yasekolishi seyimshayile akhumbule emuva ekhaya. Ingcondvo iyawuzula ngisho kufundvwa icabange umoya wasekhaya, akukhatsalekile kutsi lelikhaya linjani.

Isematseni indzaba yekusebenta usafundza. Bafundzi babamba ematoho emva kwemaklasi ngekufuna imali yekutijabulisa. Batsi bangayibamba kanye batibone bancono kunalabo labalindzele kuphiwa batali. Kusuka lapho kuba litoho emuva kwelitoho inciphe indzaba yekufundza, kusuka lapho yekeliyani. Imali ingumkhohlisi.

Nawusakhula sandla semtali sidlala indzima emphilweni yemntfwana. Kufika sikhatsi lapho umntfwana sekumele atimele. Kulandzelelwa nekuboniswa ngumtali ngetindzaba tekufundza akukho ekolishi. Kulabasafika bavele bakhulelw yinhloko kungatiwa kutsi kuyawuphunywa kubhekwephi nasebacakwe yimphilo yasekolishi. Bafundzi labangakhoni kutimela bavele banconote kubaleka kunekuba bondzindzasitsebeni belikolishi.


Impilo ilivili. Ungatibona lamuhla unako konkhe, jiki, kusasa sekuphelile. Bafundzi bayahlangabetana netimo letinjalo. Kuyenteka kutfolakale simo semnotfo sigucuka ekhaya, batali behluleke kumelana netindleko telikolishi letenta kutsi umfundzi agcine ayekele kufundza sikhatsi lesimisiwe singakefiki. Bafundzi labanjalo bapaka tikhwama babuyelev emakhaya.

[Ihunyushwe isuselwa ku – www.stateuniversity.com]

SAMBA SESIGABA B: 10

SIGABA C: LUHLELO NELULWIMI**UMBUTO 3**

Fundza lesikhangisi lelandzelako bese uphendvula imibuto letawulandzela.



1. Nhlabo melaphi wetifo tonkhe!!!!!!

2. Uphetfwe ngushukela? Uphetfwe ngematsambo? Ukhona wena sihlahlala semvelo. Kukubamba nje philiyani.

3. Bodokotela nabosokhemisi akutsatsi lutfo kuwe.

4. Ingati lengcolile, tindvuna, kukhotsa kanye nje tinkinga takho tiphelile.

5. Ngekubabababa kwakho wenta bantfu baphile babe ngemakhehla netalukati.

6. Emacembe akho ahlanekile. Inyalitsi lejova tinambutane tiywufela khashane.

7. Mlamuleli wabososayensi, locedza ingculazi ingabonwa nalapho beyihleti khona.
ni njengentsese!

8. Halala nchuboyelwati lwendzabuko! Nhlabo, mvusi wetidvumbu! Wonke umuntfu lonesifo akaphepheli kuwe.

[www.houseplants.com]

- 3.1 Bhala umusho lokulesikhangisi lobona kutsi kumele ugcanyiswe kudvonsa emehlo etetsamelilwati. (1)
- 3.2 Khokha umusho loneligama lelisha lelibunjiwe eSiswatini uwubhale phasi bese udvwebela leligama. (1)
- 3.3 Lesikhangisi sibhekiswe eluhlotjeni lolutsite lwebantfu. Ngekwakho kubona nguluphi lolo hlobo lwebantfu? (1)

3.4 Ichazani lenkhulomo ledvwetjelwe efreyimini 2 kulesikhangisi?
Khetsa imphendvulo lenembako kuletilandzelako.

- A Ulawulwa ngushukela.
- B Unesifo sashukela.
- C Ubuswa ngushukela.
- D Utsandza lokunashukela.

(1)

3.5 Tsatsa ligama lelidvwetjelwe efreyimini 4 wakhe ngalo umusho kuveta umcondvo lowehlukile kulona lokulesikhangisi.

(2)

3.6 Nika sizatfu lesicinile lesenta kutsi umusho losefreymini 3 kulesikhangisi sitsi utsatsa luhlangotsi.

(2)


3.7 Ligama lelidvwetjelwe efreyimini 6 linabudlelwano buni nesimo salokukhangiswako.

(2)

[10]

UMBUTO 4

Fundza lekhathuni lelandzelako bese uphendvula imibuto letawulandzela.



[\[www.americanprogress.org/cartoon/page\]](http://www.americanprogress.org/cartoon/page)

- 4.1 Shano kutsi libintana lelidvwetjelwe efreyimini 1 likhombisa luphi luvelomagama. (1)
- 4.2 Usuke wentani 'nawutfunga umlomo' njengoba kushiwo efreyimini 2? (1)
- 4.3 Khokha umusho kulekhathuni lengenhla loneligama lelihlonishiswa ngaleli lelilandzelako:
- Ingedze. (1)
- 4.4 Phindza ubhale lomusho losefreyimini 2, endzaweni yeligama lelidvwetjelwe ufake ligama lelingumfutiselo walo. (1)
- 4.5 Lesiga senkhulomo lesisefreyimini 6 kulekhathuni lengenhla, ngabe sichazani kulesimo labakuso?
- Khetsa imphendvulo kuletilandzelako:
- A Kuncenga
 - B Kutfukutsela
 - C Kumangala
 - D Kucasuka
- (1)
- 4.6 Akha wakho umusho ngesifanisongco lesisetjentiswe kulekhathuni lengenhla. (2)
- 4.7 Ucabanga kutsi yini lekulekhathuni lebangela kutsi labantfwana batsatfwe njengebantfwana besikolo? (1)
- 4.8 Kusuke kwentenjani nakusetjentiswa lesaga lesisefreyimini 5? (2)
- [10]**

UMBUTO 5

Fundza letheksthi lelandzelako lenemaphutsa elulwimi bese uphendvula imibuto letawulandzela.

Khisimusi sikhatsi lesiphitsitela kakhulu. Yonkhe iminden iekhashane nemakhaya ibonana ngalesikhatsi. Kusemgwancweni longutselawayeka. Emaphoyisa laseshako agcine angasakhoni kusesha ngena yemitfwalo lematima letfwalwa timoto letendlulako letigudla tintsabakati. BoMdluli nemkakhe nabo balapho bajakele emnceleni lowehlukanisa iNingizimu Afrika neMaputo. Nayi imoto ita idla emagaloni. Umshayeli wayo ehluleke kubamba emabhiliki. LaMamba eve kugubhutela ematfumbu kuphele nekudla esiswini.

'Hawu! Hawu! LaMamba uyangibonisa yini lolutfuli lolusuke kulelijika lelimshiyalowa nelibhuloho?'

'Hawu yebo babe, Iwase luya etulu kangaka nje ngabe kwentenjani? Sivunguvungu sini sona lesi ngobe lilanga liyatishisela nje akukho moya?' NguLaMamba lowo ashvele kukhombisa kutsi naye wetfukile.'

'Kusenebantu labashayela budlabha tingoti tingaka kulelive! Aphi emaphoyisa asilekelele nakunjena? Bantu lekumele baboshwe ngibo laba. Asubuke nje letimoto latishayisile kutsi timoncoke njani. Leleliputi yona angisakhulumi ngayo, ayisabonakali nekutsi inhloboni. Ngiyabavela labantu labakuyo futsi angiboni nekutsi kukhona losindzile,' kusho Mdluli.
Asifundzeni kushayela kahle!

[Icanjiwe]

- 5.1 Khokha umusho lokuletheksthi lengenhla loneliphutsa lesipelingi uwubhale phasi bese ulungisa leliphutsa. (1)
 - 5.2 Bhala sinciphiso esikhundleni seligama lelidvwetjelwe. LaMamba eve kugubhutela ematfumbu kuphele nekudla esiswini. (1)
 - 5.3 Cala lomusho lolandzelako nga-'Cha'. Khismusi sikhatsi lesiphitsitela kakhulu. (1)
 - 5.4 Khokha umusho lonebunikati kuletheksthi lengenhla uwubhale phasi bese udvwebela lobunikati. (1)
 - 5.5 Tsatsa sibaluli lesidvwetjelwe kulomusho lolandzelako lotsetfwe kuletheksthi lengenhla usisebentise emshweni lotakhele wona sibe sabito.
Kusenebantu labashayela budlabha tingoti tingaka kulelive. (1)
 - 5.6 Shano kutsi lesakhi lesidvwetjelwe kulomusho lolandzelako siletsa muphi umcondvo (inshokutsi).
'LaMamba uyangibonisa yini lolutfuli lolusuke kulelijika lelimshiyalowa nelibhuloho?' (1)
 - 5.7 Bhala lenkhulumo lelandzelako, leyinkhulumongco, ibe yinkhulumombiko.
'Ngiyabavela labantu labakuyo futsi angiboni nekutsi kukhona losindzile,' kusho Mdluli. (2)
 - 5.8 Bhala phasi umusho losebunyentini lokuletheksthi lengenhla losendleleni lephocako. (2)
- [10]**

SAMBA SESIGABA C:	30
SAMBA SAKO KONKHE:	70